

Plenchi

Bèl a bati

Bèlèm bèlèm ata ora a yega, pa nos hala bola. Pa nos yega serka, pa nos gosa huntu.

Si asina mes ta ora di chill riba nos plenchi. Advent a dal aden i tur hende ta ku nan kore kore pa kaba yen di trabou na trabou, na kas, na nan kurpa, nan kashi paña, nan dieet pero mas prinsipal na nan relashon ku Señor. Ban pa mi shonnan laga nos pone suficiente atenshon na kon nos mester drecha nos relashon ku Todopoderoso. Pasku ta na kaminda, ban brasé ku nos fé.


Un felis fin di siman pa bo. Relahá un poko. Drecha bo kas i dune un ambiente festivo. Pone poko musika alegre di e bon notisia i zoya riba dje mientras bo ta lesa bo plenchi.

Riba roster



Selebrashon di sinterklas na Kolegio Sur Herman Jozef

Not' é riba bòrchi



Dia di Enseñansa Maria College VSBO a kombiná trabou
boluntario...Aktivitat Boluntario 2015 di Maria College VSBO



Maria College ta bria ku su aktivitatnan boluntario dia di enseñansa.



Klas 2D di Maria College VSBO na Ricardushuis den kuadro di dia di enseñansa.

Den agènda

- **Fakansi**
21 desèmber 2015 pa 3 yanuari 2016

Un prechi



Sta. Rosa de Lima College ta tende kuenta den siman di lesa.



St. Antonius College a bria ku e proyekto di Green Kidz. Nan a bai ku tur tres premio. Pabien na st. Antonius, ban sigui plama e notisia kon pa hasi Korsou tur dia mas bèrde.

**Mucha djispou
Mi bestia preferí,**

**Awe na skol yufrou a puntrami kua ta mi bestia preferí. Ma kontestá:
“galiña hasá.”**

Yufrou a rabia i a bisami ku mi no ta nada leuk. Tur otro mucha den klas a hari masha hopi. Yufrou a mandami serka e direktor pa straf. E direktor a hari hopi ora mi a konté kiko a pasa. El a bisami pa mi no hasie mas. Mi no ta komprondé ainda dikon yufrou a rabia. Mi mayornan semper a siñami pa mi ta honesto. Ora ma konta na kas kiko a pasa, tur hende a hari. Mi tata a splikami ku kasi sigur mi yufrou ta vegetariano.

Su siguiente siman yufrou a puntrami kua ta mi bestia bibu preferí. Ma bisa galiña. El a puntrami ta dikon mi gusta galiña. Ma bise ku ta paso bo por hasé pa kome. Yufrou a bolbe rabia i mandami serka direktor. Direktor a bolbe hari i a bisami atrobe pa no hasie mas.

Mi no ta komprondé dikon mi yufrou no gusta pa mi papia berdat. Despues di un par di dia yufrou a puntrami ken ta e persona ku mi ta admirá mas tantu. Ma bise ku ta Colonel Sanders di Kentucky Fried Chicken.

Rey unda mi ta sintá awor aki....